

ՄՈՒՐԱԴ ՆԱՍՐԱԹՅԱՆ

Ճարտարապետության դոկտոր

**ԹԲԻԼԻՍԻ ՆԱՅԿԱԿԱՆ ԵԿԵՂԵՑԻՆԵՐԻ
ՃԱՐՏԱՐԱՊԵՏՈՒԹՅՈՒՆԸ**

Վրաստանի հայկական գաղթօջախների մասին առաջին պատմական տեղեկությունները հանդիպում են արդեն վաղ միջնադարում: Պատմիչ Ուխտանեսը հիշատակում է այդ ժամանակաշրջանում Յուրպալում գոյություն ունեցող հայկական գաղթօջախը¹: Նայ բնակչության առաջին նշանակալից գաղթերը դեպի Վրաստան, ըստ Ղեոնդ պատմիչի, տեղի են ունեցել 8-րդ դ., երբ 703, 774 եւ 775 թթ. արաբները ճնշել են իրենց դեմ Նախաստանում բռնկված ապստամբությունները²: 9-րդ դ. Տփղիսի հայ բնակիչները վրացիների հետ համատեղ պաշտպանել են քաղաքը արաբական Բուղա վայրագ զորավարի ասպատակություններից (853 թ.)³:

Նայերի զանգվածային գաղթը դեպի Վրաստան սկսվում է Բագրատունյաց հայկական թագավորության վերացումից եւ Անիի անկումից հետո, երբ հայ ավադանների համար անկախ Վրաստանը դարձավ հենարան եւ պաշտպան՝ օտար փորձաքննողներից հայրենի հողն ազատագրելու համար մղվող պայքարում: Դավիթ Շինարար թագավորի օրոք (1083-1125 թթ.) Անիից մեծաքանակ հայեր տեղափոխվեցին Վրաստան, որոնց բնակության համար առանձին քաղաք հիմնվեց՝ Գորին, բազմաթիվ հայկական եկեղեցիներով եւ վանքերով⁴:

Արդեն Թամարա թագուհու օրոք (1184-1213թթ.) հայերը Վրաստանում ազդեցիկ դիրք ունեին եւ կարեւոր դեր էին խաղում երկրի քաղաքական եւ տնտեսական կյանքում, ինչպես նաեւ ռազմական բնագավառում: Այսպես, օրինակ, այդ շրջանում Վրաստանի զորքերի գլխավոր հրամանատարը՝ ամիրասպալարը, հայ իշխան Զաքարե Երկայնաբազուն էր, իսկ երկրի քաղաքացիական իշխանությունը (աթաբեկությունը) գլխավորում էր նրա եղբայրը՝ Իվանեն⁵:

Նայ բնակչության գաղթը դեպի Վրաստան շարունակվում է Նախաստանը մոնղոլների կողմից գրավվելուց եւ երկրում հարկային ծանր վարչակարգ սահմանելուց հետո եւս⁶:

17-18-րդ դդ. Վրաստանում, Թբիլիսիից բացի, խոշոր հայ գաղթօջախներ գոյություն ունեին Գրեմիում, Գորիում, Քանդայում, Վակայում, Դիրբիում, Նաբաթխեիում, Ալիում, Ուպլիսցիխեում, Սուրամում, Ախալգորիում, Անանուրում, Թելավում, Սղնախում եւ այլ բնակավայրերում, որտեղ այսօր էլ պահպանվել են հայերի կառուցած բազմաթիվ եկեղեցիներ:

1 Ուխտանես Եպիսկոպոս, Պատմություն բաժանման հայոց եւ վրաց, Վաղարշապատ, 1871, մասն Բ, էջ 32-33:

2 «Պատմություն Ղեոնդայ», Ս.Պետերբուրգ, 1887, էջ 35, 138-139:

3 «Վրացի մարտնչությունը Նախաստանի մասին», հավաքեց Բ. Խալաթյանց, Վիեննա, 1919, էջ 100:

4 Մարթեոս Ուռեայեցի, Ժամանակագրություն, Երևան, 1991, էջ 356:

5 «Նայ ժողովրդի պատմություն», հ. 3, Երևան, 1976, էջ 529-541:

6 Ա. Գ. Աբրահամյան, Նամանգյուր ուրվագիծ հայ գաղթավայրերի պատմության, Երևան, 1964, էջ 99:

Պեպք է նշել, սակայն, որ հայ ճարտարապետները եւ քարգործ վարպետներն աշխատել են Վրաստանում դեռեւս վաղ միջնադարում: Այսպես, օրինակ, հայ ճարտարապետ Թողոսակը 7-րդ դ. կառուցել է Աթենի Ս. Սյոն «հռիփսիմեափիպ» եկեղեցին, իսկ հայ շինարարները, Թողոսակի մասնակցությամբ, կառուցել են Մցխեթի Ս. Խաչ («Ջվարի») եկեղեցին⁷:

* * *

Վրաստանի հայկական խոշորագույն գաղթօջախը գոյարկել է Թբիլիսիում: Արդեն 12-րդ դ. յոթանասունական թվականներին Թբիլիսին դառնում է Վրաստանի՝ Նայ Առաքելական Եկեղեցուն դավանող հավաքացյալների թեմական կենտրոն⁸: 13-րդ դ. Տփղիսում է հաստատվում հայ մեծահարուստ Պարոն Ումեքը Երզնկայից, որը Վրաստանի մայրաքաղաքում առեկտրապրեսական լայն գործունեություն է ծավալում⁹: Ումեքն այնպեղ կառուցում է Կաթողիկե Ս. Աստվածածին (այժմ՝ Ս. Գետրգ) եկեղեցին: Ումեքի որդի իշխան Կարիմադինի հրավերով Նայաստանից ժամանած հռչակավոր իմաստասեր Նովհաննես Երզնկացին 1284 թ. այսպեղ բանախոսել է երկնային մարմինների շարժման, ինչպես նաեւ օդերևութաբանական թեմաններով¹⁰:

Ումեքի թոռներ Սուջահաթը, Առյուծը եւ Զալապը 14-րդ դ. սկզբին Տփղիսի կենտրոնական մասում կառուցում են Նարանցվանք (կոչվում է նաեւ Փաշավանք) հայկական վանքի քաճարը¹¹: Թբիլիսիում 14-րդ դ. արդեն մի շարք հայկական եկեղեցիներ գոյություն ունեին. բացի Կաթողիկեից եւ Նարանցվանքից, պատմիչները հիշատակում են նաեւ Ս. Բեթղեհեմ, Նրեշտակապետաց, Քառասնից մանկանց, Մուղնու Ս. Գետրգ եւ այլ եկեղեցիները¹²: Նրանք միաժամանակ հայրնի մշակութային կենտրոններ էին. մեզ են հասել այդ եկեղեցիներում գրված բազմաթիվ ձեռագրեր¹³:

Տփղիսում հայերի շինարարական - ճարտարապետական գործունեությունը առանձնապես աշխույժ էր ուշ միջնադարում, երբ, վերը նշվածներից բացի, կառուցվեցին երկու քառանյակ հայկական նոր եկեղեցիներ: Այդ ժամանակաշրջանի Թբիլիսիում հանդիպում ենք հայազգի դիվանագետների, պետական եւ ռազմական գործիչների՝ Բեկրաբեկյաններ, Ղորղանյաններ, Արդուխան-Երկայնաբազուկներ, Թումանյաններ, Բեհբոխյաններ եւ ուրիշներ¹⁴: Իսկ վրաց թագավորների օրոք միջնադարից մինչեւ 18-րդ դ. վերջը Թբիլիսի քաղաքագլուխը ավանդաբար հայ էր նշանակվում, որը պատճառաբանված էր քաղաքում հայ

7 Տես Ս. Մ. Մյրադյան, Армянская эпиграфика Грузии. Картли и Кахети, Ереван, 1985, էջ 14-43, 93-113:

8 Մ. Չափեանց, Պատմություն հայոց, հ. Գ, Վենետիկ, 1786, էջ 132:

9 Կիրակոս Գանձակեցի, Պատմություն հայոց, Թբիլիսի, 1909, էջ 349:

10 Յովհաննես Երզնկացի, Յաղագս երկնային շարժման, Նոր-Նախիջևան, 1792, էջ IX-X:

11 Տես Ս. Մ. Մելիքսեթ-Բեկ, Նին Թբիլիսիի եւ հայ-վրացական կոպտորական կապերի պատմությունից, «Պատմա-բանասիրական հանդես», 1958, թ. 3:

12 ԺԵ դարի հայերեն ձեռագրերի հիշատակարաններ, կազմեց Լ. Խաչիկյան, մասն առաջին, Երևան, 1955, էջ 120, 384, 425: Մասն 3, Երևան, 1967, էջ 420, 475, 488:

13 Լ. Մ. Մելիքսեթ-Բեկ, նշվ. աշխ., էջ 156:

14 Ս. Մ. Մելիքսեթ-Բեկ, Армяне в Тбилиси в шестидесятих годах XIX века, «Պատմա-բանասիրական հանդես», 1958, թ. 3, էջ 161:

բնակչության գերակշռող քանակով¹⁵: Ինչպես գրում է ֆրանսիացի հայրնի ճանապարհորդ Տուրնեֆորը, 18-րդ դարում Թբիլիսիի 20000 բնակչից 14000-ը հայեր էին, 3000-ը՝ մահմեդական, 2000-ը՝ վրացի, 500-ը կաթոլիկ, ընդ որում այս վերջիններս դավանափոխ հայեր էին¹⁶:

Համաձայն «Թիֆլիս քաղաքի 1803 թ. հունվարի դրությամբ բնակչության, շենքերի և ամրությունների հաշվեհամարի»՝ 18-19-րդ դդ. սահմանագլխին քաղաքում արդեն կար 24 հայկական եկեղեցի¹⁷: Բացի եկեղեցիներից՝ հայերը Թիֆլիսում կառուցում էին նաև բնակելի և հասարակական շենքեր: Այսպես, օրինակ, իտալացի ճանապարհորդ Ալեքսանդր Նեգրին նշում է, որ 19-րդ դարի սկզբին քաղաքի երկու հազար բնակելի տներից մոտ 1800-ը պատկանում էին հայերին¹⁸:

Հայկական եկեղեցիներ կային հին Թիֆլիսի բոլոր թաղամասերում (Քարափիթաղ, Հավլաբար, Կուկիա, Ճուղուրեթ, Խարփուխ): Սակայն Թիֆլիսի 19-րդ դ. կազմած հատկազոտ վրա, որտեղ նշված են բոլոր 24 հայկական եկեղեցիները, երեսուն է, որ նրանց մեծ մասը գտնվում է քաղաքի կենտրոնական մասում:

Այժմ նրանցից պահպանվել է 14-ը (մնացածները քանդվել են 20-րդ դ. 30-ական թվականներին, որոնց թվում նաև Հարանցվանքը):

Թբիլիսիի մեզ հասած հայկական հնագույն և այսօր գործող Ս. Գետրգ Մայր եկեղեցին ըստ շինարարական արձանագրության կառուցվել է 1251թ.՝ «Շինեցաւ Կաթողիկէ եկեղեցին արդեամբ իշխանի Հայոց Ումեքայ: Ի Թուին Հայոց Չ»¹⁹: Սակայն, փաստորեն, այդ եղել է ավելի հին եկեղեցու հիմնովին վերաշինում, որովհետև հայկական միջնադարյան ձեռագրերից մեկի հիշատակարանում նշված է Թբիլիսիում 1037 թ. Ս. Աստվածածին մենաստանի կառուցման մասին²⁰:

Նարիկալա բերդի ստորոտում կանգուն Սուրբ Գետրգ Մայր եկեղեցին, (այսպեղից է նրա նաև «Բերդի Մեծ եկեղեցի» անունը) հետագայում եւս վերանորոգումներ է ունեցել, բայց պահպանել է իր սկզբնական ճարտարապետական հորինվածքը: Այն պատկանում է վաղ միջնադարում հայկական շինարարական արվեստի սպեղծած «գմբեթավոր դահլիճ» տիպի եկեղեցիների 11-13-րդ դդ. այն ենթափախին, որն ունի միայն մեկ զույգ գմբեթակիր որմնամույթեր²¹: Այսպեղ աղոթասրահը (11.7x13 մ) արեւելքում ավարտվում է եռյակ լուսամույրներով Ավագ խորանով, որի երկու կողքին աբսիդներով ավանդաքաներն են: Եկեղեցու արեւելյան ճակարն ունի միջնադարյան հայկական ճարտարապետությանը բնորոշ զույգ եռանկյունաձեղ խորշեր: Մուտքերը երկուսն են՝ արեւմտյան ու հյուսիսային կողմերից: Հարավային եկեղեցիներում գրեթե պարտադիր մուտքի բացակայությունը պայմանավորված է տեղանքի և շրջակա կառուցապարման առանձնահատկություններով:

Ս. Գետրգ Մայր եկեղեցին, ինչպես և Թիֆլիսի հայկական եկեղեցիների մեծ մասը, կառուցված է աղյուսով: Հարավային պարի մոտ արտաքուստ կախարված մասնակի պե-

15 Անդ, էջ 161-162:

16 **М. Полиевктов**, Г. Натадзе, Старый Тифлис в известиях современников, Тифлис, 1929, с. 30.

17 Անդ, էջ 65:

18 Անդ, էջ 74:

19 **П. М. Мурадян**, Армянская эпиграфика Грузии, Тбилиси, с. 22.

20 Անդ, էջ 21:

21 **М. М. Асратян**. Памятники средневековой армянской архитектуры в Тбилиси, Ереван, 1978, с. 4.

ղումները պարզեցին, որ աղյուսաշեն պատերը դրված են սրբապաշ կարմիր փուֆից շարված ասֆիճանաձեւ որմնախարսի վրա: Եկեղեցու ներկայիս գմբեթը 17-րդ դ. վերանորոգման արդյունք է²²:

Ս. Գետրոգ Մայր եկեղեցու ներսը զարդարված է 18-րդ դ. որմնանկարներով, որոնք բացվել են 1976 - 77 թթ. նորոգման աշխատանքների ժամանակ, երբ հեռացվել են պատերի՝ ուշ շրջանի գաջի եւ յուղաներկի շերտերը: Գմբեթին պատկերված է աղավնակերպ Ս. Տոգո եւ Սերովբեների հեպ-Քրիստոսը՝ բազմած ամպերի վրա, Սուրբ Սեդանի կամարի ձախակողմյան մասում Ս. Աբգարն է Քրիստոսի անձեռագործ դասպառակով, աջակողմյան մասում՝ Ս. Տրդապը, հյուսիսային պատին պատկերված են Ավետույնը, Եղիսաբեթը ողջունում է Ս. Աստվածածինն եւ սաղմոսասաց Դավիթը հալածվում է Սավուղ թագավորից, հարավային պատին նկարված են Քրիստոսի Ծնունդը եւ Մկրտությունը²³: Գեղարվեստական մրաօճողության, գունային կառուցվածքի եւ ոճական առանձնահատկությունների հիման վրա այս որմնանկարները վերագրվում են Նովնաթան Նակոբի Նովնաթանյանի վրձնին (18-րդ դ.) եւ հանդիսանում նշանակալից երեսույթ հայ կերպարվեստի պարմության մեջ²⁴:

Ընդհանրապես Թբիլիսիի Ս. Գետրոգ Մայր եկեղեցին բացառիկ կապ ունի հայ մշակույթի հետ. նրա կողքին են թաղված հայ ժողովրդի մեծ զավակները՝ Սայաթ-Նովան եւ Գետրոգ Բաշինջաղյանը: Այսպեղ են պահվում նաեւ Նովնաթան Նովնաթանյանի «Աստվածամայրը» եւ Մկրտում Նովնաթանյանի «Օրհնող Քրիստոսը» նկարները, ինչպես նաեւ Բաշինջաղյանի մի շարք մեծադիր կտավները՝ Քրիստոսի երկրային կյանքի թեմաներով:

Կաթողիկեից հեպո հնագույն հայկական եկեղեցին Թբիլիսիում եղել է 14-րդ դ. հիմնված Նարանցվանքի (կոչվում է նաեւ Փաշավանք) փառարը, որը իր չափերով քաղաքի խոշորագույն եկեղեցական շենքն էր: Այն երկու անգամ վերակառուցվել է՝ 1482 թ. եւ 1789 թ., երբ վանքի Ղազար վանահայրը «...նորոգեաց գեկեղեցիս ի ներքուստ եւ յարտաքուստ եւ գեղանկար յօրինուածովք շքեղազարդեաց...»²⁵: Վանքի համալիրի մեջ էին մտնում նաեւ վանահոր երկհարկանի շենքը, բնակելի սենյակները, եռահարկ զանգակատունը, պարիսպը²⁶: Այժմ պահպանվել են զանգակատունը եւ վանահոր շենքը (վանքը քանդվել է 1930-ական թթ.): Աղյուսից կառուցված փառարն ունեցել է եռանակ գմբեթավոր բազիլիկայի հորինվածք երեք զույգ մույթերով, ընդ որում բոլոր նավերն էլ արեւելքում ավարտվում են կիսաշրջանաձեւ, հավասար մեծության խորաններով, որոնք, սակայն, արտաքին պատերի ուղղանկյուն եզրագծից դուրս չեն գալիս: Այս երեք խորաններից միջինը նվիրված էր Ս. Աստվածածնին, հարավայինը՝ Ս. Գրիգոր Լուսավորչին, իսկ հյուսիսայինը՝ Ս. Առաքելոց²⁷: Տաճարը ամբողջությամբ, սակայն, անվանվում էր Ս. Աստվածածին²⁸: Նրա առանձին, երկթեք փանիքներով ծածկված նավերը հարվում էին խորանների առջեւ փրանսեպով, որը պսակված էր երեք գմբեթներով: Այսպիսի հորինվածքը եզակի է հայկական միջնադարյան ճարտարապետության մեջ:

22 III. Амвросий, Древности Тифлиса. Тифлис и его окрестности, Тифлис, 1925, с. 186.

23 «Եկեղեցական վերանորոգչական աշխատանքներ վիրահայոց թեմում», «Էջմիածին», 1979, Գ, էջ 63:

24 Մ. Ղազարյան, Նորահայր որմնանկարներ, «Գրական թերթ», 1977, թ. 50, էջ 4:

25 Ս. Ջալալեանց, Ճանապարհորդություն ի Սեմն Նայաստան, մասն Բ, Թիֆլիս, 1853, էջ 59:

26 Անդ:

27 Լ. Մ. Մելիքսեթ-Բեկ, Վրաց աղբյուրները Նայաստանի եւ հայերի մասին, հ. 3, Երևան, 1955, էջ 265:

28 Ս. Ջալալեանց, նշվ. աշխ., էջ 59:

Տաճարի բավականին մեծ այս գմբեթներն ունեին բարձր, սլացիկ, փասներկու նիստա-
նի թմբուկներ՝ բրգաձև վեղարով: Նարավային մուրքի առջեւ (կային մուրքեր նաեւ հյուսի-
սից եւ արեւմուտքից) կցված էր քառասյուն շքամուրք: Տաճարի ընդարձակ աղոթասրահը
լուսավորվում էր համեմատաբար փոքր պատուհաններով: Խորաններն ունեին մեկական
լուսամուտ արեւելյան ճակատում: Երեք ճակատները (արեւելյան, հյուսիսային եւ հարա-
վային) ունեին կտրվածքում կիսաշրջանաձեւ խորշեր: Ընդերկայնական պատերի՝ փրան-
սեպին համապատասխան հատվածները զարդարված էին կամարաշարով: Արտաքուստ
փրանսեպը շեշտված էր ճակատներով նաեւ հյուսիսային եւ հարավային պատերում:
Գմբեթի թմբուկի բոլոր նիստերն ունեին բարձր եւ նեղ լուսամուտներ, որոնք բացվում են կա-
մարակապ վերջավորությամբ հարթ խորշերի կենտրոնով:

Տաճարի գլխավոր ճակատը ձևավորված էր սլաքաձեւ կամարներով ուղղանկյուն
հարթ խորշերով: Վանքական համալիրի հարավարեւմտյան անկյունում բարձրանում է
դարպասի վրա կառուցված զանգակատունը, որի բարձր ծավալն ավարտվում է սյունա-
զարդ ռուբոնդայով:

Թբիլիսիի հայկական եկեղեցիներից ամենահայտնին եւ հռչակվածը Մուղնու Ս.
Գետրգն է: Ըստ պարմիչ Զաքարիա Սարկավազի՝ եկեղեցին հիմնվել է 13-րդ դ. Աշտա-
րակի մոտ Մուղնի գյուղի Ս.Գետրգ վանքից մասունքների մի մասի Տփղիս փեղափոխվելու
կապակցությամբ (վրաց արքայազնին բուժելու համար)²⁹: Այս փեղեկությունը բերում է նաեւ
Շարդենը³⁰: Նարավային մուրքի արձանագրության համաձայն՝ եկեղեցին հիմնովին վերա-
կառուցել է պարոն Ստեփանը 1754 թ.³¹: Այս իրադարձությանը Սայաթ - Նովան նույնիսկ
հատուկ երգ է նվիրել³²: Մուղնու Ս. Գետրգ եկեղեցին նույնպես պարկանում է գմբեթա-
վոր բազիլիկաների տիպին: Սակայն այսփեղ, ի տարբերություն Նարանցվանքի տաճարի,
գմբեթը բարձրանում է շենքի ընդհանուր ծավալի մեջտեղում, չորս խոշոր, գլանաձեւ մույթե-
րի վրա (նման ձեւի հենասյուները հազվադեպ են Նախաստանի եկեղեցիներում): Կիսաշրջա-
նաձեւ Ավագ խորանի երկու կողմում փեղադրված են փոքրիկ աբսիդներով ավանդապներ:
Մուղնու Ս. Գետրգ եկեղեցին ունի մի այլ առանձնահատկություն եւս. այսփեղ Ավագ խո-
րանի եւ ավանդապների աբսիդները ոչ թե ներառված են պատերի ուղղանկյուն եզրագծի
մեջ, այլ դուրս են գալիս կիսաշրջան ծավալներով: Բյուզանդական ճարտարապետությանը
բնորոշ այս ձեւը հավանաբար միջնորդված է Ս. Գետրգ եկեղեցում վրացական ճարտարա-
պետության ազդեցությամբ:

Քառամույթ գմբեթավոր բազիլիկաներ են նաեւ Թբիլիսիի Շամքորեցոց, Ս. Էջմիածին,
Ս. Ստեփանոս, Ս. Նովհանես Մկրտիչ, Ս. Կարապետ, Ս. Սարգիս, Կուկիայի Ս. Աստվա-
ծածին եւ ուրիշ հայկական եկեղեցիները, որոնց մեծ մասը կառուցվել է 18-րդ դ.: Նույն հո-
րինվածքն ունենալով՝ այս եկեղեցիները միմյանցից տարբերվում են չափերով, հատակագ-
ծային եւ ծավալային լուծման մանրամասներով, հարդարանքով, եւ այս բոլորը նրանցից
յուրաքանչյուրին չկրկնվող ճարտարապետական կերպար է հաղորդում:

29 «Զաքարեայ Սարկավազի պարմագրություն», հ. 3, Վաղարշապատ, 1830, էջ 40:

30 М. Полиевктов, Г. Натадзе, Гзл. աշխ., էջ 17:

31 П. М. Мурадян, Армянская эпиграфика Грузии. Тбилиси, Ереван, 1988, с. 46.

32 Սայաթ-Նովա, ժողովածու, կազմեց Մ.Ս. Նասրաթյան, Երեւան, 1958, էջ 82:

Կոստանաց վանքի Ս. Սյրեփանոս եկեղեցին կառուցվել է Քարափիթաղում 1727 թ. եւ վերակառուցվել սրբապաշ քարով 1868 թ.³³: 12 նիստանի թմբուկով գմբեթը բարձրանում է չորս գլանաձեւ, զանգվածեղ մույթերի վրա: Թաղերը եւ կամարները շեշտված սլաքաձեւ են: Կիսաշրջանաձեւ խորանի երկու կողմում ուղղանկյուն հափակագծով ավանդապներն են: Ի փարբերություն Մուղնու Ս. Գետրգ եկեղեցու՝ այսպեղ արպաքուսպ, շենքի ընդհանուր ծավալից դուրս է գալիս միայն Ավագ խորանը: Վերջին փարիներին եկեղեցին վերանորոգել են, վերացրել հայերեն արձանագրությունները եւ դարձրել գործող վրացական եկեղեցի:

Նավլաբարի Ս. Աստվածածին եկեղեցին, որն անվանվում է նաեւ «Կարմիր Ավետարան», կառուցվել է 1775 թ. աղյուսից եւ հիմնովին վերակառուցվել 1840-ական թթ. Շամքորից գաղթած հայ բնակիչների կողմից (այս պարճառով եկեղեցին ունի մի երրորդ՝ «Շամքորեցոց» անուն)³⁴: Խոշոր աղոթասրահը (14 x 19 մ) արեւելքում ավարտվում է կիսաշրջանաձեւ խորանով, որի երկու կողմերում ուղղանկյուն հափակագծով ավանդապներն են (սրանցից հյուսիսայինն անմիջական մուտք ունի դեպի բեմ): Ուշագրավ է այսպեղ ավանդապների երկրորդ հարկը, որն արեւմտյան պարիի ամբողջ լայնությամբ, կամարակապ բացվածքով դուրս է գալիս դեպի աղոթասրահ՝ վերածվելով վերնահարկի:

Նսկայական բարձր գմբեթը 16 նիստանի թմբուկով բարձրանում է խոշոր, գլանաձեւ մույթերի վրա: Մուտքերը երեքն են (հյուսիսից, հարավից եւ արեւմուտքից): Բացի ուղղանկյուն, կամարակապ վերջավորությամբ մեծ լուսամուտներից բոլոր ճակարների վերին մասերում կան եւ կլոր պարուհաններ:

Շամքորեցոց եկեղեցին իր խոշոր չափերի, բարձր գմբեթի ու դիրքի շնորհիվ դարձել էր Նավլաբար թաղամասի կառուցապարման դոմինանտը եւ Թբիլիսիի հարավարեւելյան մասի ուրվագծի կարեւոր շեշտը (այսօր այն կիսավեր է):

Նավլաբարի այժմ գործող Ս. Էջմիածին եկեղեցին կառուցված է աղյուսից 1806-1809 թթ.³⁵: Այսպեղ եւս գմբեթակիր մույթերը գլանաձեւ են, իսկ ուղղանկյուն ավանդապներից հյուսիսայինը դուռ ունի դեպի Ավագ խորան: Սակայն նրանց երկրորդ հարկերը չեն բացվում դեպի դահլիճ եւ փաստորեն թաքստոցներ են: Արեւմտյան դուռը (եկեղեցին մուտքեր ունի նաեւ հյուսիսից եւ հարավից) բացվում է ուղղանկյուն մի նախամուտքի մեջ, որը շենքի ընդհանուր ծավալից դուրս է գալիս: Երկայնական պարիերի լուսամուտները բավական խոշոր են (լայնությունը ներսից՝ 1,5 մ): Կան նաեւ կլոր պարուհաններ եւ խորշեր, իսկ արեւելյան ճակարը ձեւավորված է հափակագծում կիսաշրջանաձեւ զույգ խորշերով:

Կուր գետի ձախ ափին՝ բարձրադիր մի հարթակի վրա Կարապետ եկեղեցին հիմնադրվել է 1400 թ. եւ հիմնովին վերակառուցվել աղյուսից 1790 թ.³⁶: Գմբեթակիր մույթերը քառակուսի են, անկյունները 45° թեքությամբ հափած: Գմբեթապակ քառակուսուց դեպի գմբեթ անցումն իրականացված է առագաստներով: Ուղղանկյուն հափակագծով ավանդապները արեւելքից ունեն նույնպես ուղղանկյուն խորշեր, որոնք աբսիդի դեր են խաղում: Գեղապետիլ է եկեղեցու ուրվագիծը՝ գմբեթի 12 նիստանի սլացիկ թմբուկով եւ արեւմտյան ճակարի վրա բարձրացող զանգակապան խոշոր ռոփոնդայով, որը փաստո-

33 Խ. Խոնցյան, Թիֆլիսի Ս. Սյրեփանոս կոստանաց անապարի պարմութիւնը, Թիֆլիս, 1914, էջ 70:

34 П. М. Мурадян, Армянская эпиграфика Грузии, Тбилиси, с. 93.

35 Անդ, էջ 90:

36 Լ. Մ. Մելիքսեթ-Բեկ, Վրաց աղբյուրները Նախաստանի եւ հայերի մասին, էջ 268:

րեն երկրորդ գմբեթի դեր է խաղում: Այժմ Ս. Կարապետ եկեղեցին վերափոխված է գործող վրացական եկեղեցու: Նմանապիպ հուշարձաններ են 18-րդ դ. կառուցված, սակայն այսօր չպահպանված (քանդված են 20-րդ դ.) Ս. Նովիաննես Մկրտիչ, Կուկիայի Ս. Աստվածածին եւ Ս. Սարգիս հայկական եկեղեցիները³⁷:

Քառամույթ գմբեթավոր բազիլիկայի հեղափոխական տարրերակն են հին Թխֆիսի կենտրոնական (նախկին Երեսույան) հրապարակից հարավ գտնվող Ս. Նշան, Նորաշեն Ս. Աստվածածին, Բեթղեհեմի Ս. Աստվածածին, Զգրաշեն Ս. Աստվածածին (հին քաղաքի Նայկական փողոցում) եւ Զրկինյանց Ս. Գետրգ (վերջին երկուսը քանդվել են) եկեղեցիները: Այս հուշարձաններում գմբեթը բարձրանում է ոչ թե դահլիճի մեջտեղում, չորս մույթերի վրա, այլ արեւելյան մույթերի եւ բեմի անկյունների վրա: Ինչպես եւ Նարանցվանքում, այս եկեղեցիների նավերը տրանսեպտով հարվում են խորանի առջեւ, այլ ոչ թե միջին թռիչքում: Բայց, ի տարբերություն Նարանցվանքի, որտեղ երեք նավերն էլ ունեն հավասար լայնություն, Նորաշեն, Ս. Բեթղեհեմ եւ Ս. Նշան եկեղեցիներում գլխավոր եւ կողային նավերի լայնությունների հարաբերությունը համապատասխանաբար կազմում է 1:1,8, 1:2 եւ 1:1, 2,5, այսինքն ունի Նայաստանի միջնադարյան գմբեթավոր բազիլիկաներին բնորոշ համաչափություններ: Եթե Նարանցվանքում երեք նավերը արեւելքում ավարտվում են խորաններով եւ ունեն առանձին երկթեք տանիքներ, ապա վերը նշված եկեղեցիներում խորանով ավարտվում է գլխավոր կենտրոնական նավը, որը տրանսեպտի հետ կազմում է շենքի վերին՝ խաչաձեւ մասը:

Ս. Նշան եկեղեցին, ըստ հյուսիսային մույթի վերելի շինարարական արձանագրության, կառուցել է Մելիք Գետրգը 1703-1711 թթ.³⁸: Նույն ճակատի երկու այլ արձանագրություններ հայտնում են գմբեթը 1780 թ. Ղազարի եւ հյուսիսային մույթը 1781 թ.՝ Տեր-Նիկողոսի կողմից վերանորոգելու մասին³⁹: Արեւելքից արեւմուտք ձգված աղոթասրահը (11 x 20,5մ չափերի) բաժանվում է երեք նավի՝ երկու զույգ ուղղանկյունավոր հարած անկյուններով մույթերով: Ավանդապներն ունեն կիսաշրջանաձեւ խորաններ, իսկ վերետու՝ թաքստոցներ: 12 նիստանի թմբուկով գմբեթը բարձրանում է տրանսեպտի եւ միջին նավի հարման վրա: Երեք մույթ կա՝ հյուսիսից, արեւմուտքից եւ հարավից: Վերջինիս առջեւ կանգուն է երկհարկանի զանգակատունը: Աղյուսաշեն եկեղեցու պատերը դրսից զարդարված են հարթ զարդանախշերով, ավարտվում են սլաքաձեւ կամարներով:

Բեթղեհեմի Ս. Աստվածածին եկեղեցին կառուցված է Քարափիթաղում՝ Նարիկալա ամրոցի ստորոտում: Նիմադրված լինելով 14-րդ դ. (մեզ է հասել այսպես 1437 թ. գրված հայերեն ձեռագիր) եկեղեցին վերակառուցվել է 1746 թ.⁴⁰: Այն ունի նույն հորինվածքը, ինչ Ս. Նշանը տարբերվելով միայն որոշ մանրամասներով (մույթերը ութանիստ են, միջին նավն ունի թաղակիր կամարներ, թեք տեղանքի պարճառով հարավից մույթը չունի, ճակատները դրսից խորշեր չունեն): Ավանդապների երկրորդ հարկը, ինչպես Շամքորեցոց եկեղեցում, արեւմտյան պատի ողջ լայնությամբ բացվում է դեպի աղոթասրահ: Այսպիսի լուծումը, թեպետ սակավ, հանդիպում է պատմական Նայաստանի 17-րդ դ. այլ հուշարձաններում նույն-

37 Անդ, էջ 270:

38 Ս. Ջալալխանց, նշվ. աշխ., էջ 21:

39 Անդ:

40 П. М. Мурадян, Армянская эпитафка Грузии. Тбилиси, с. 34.

պես (վերջին փարիներին քանդված Փառակայի Ս. Ասրվածածին եկեղեցին Նախիջեւանի Ինքնավար Նանրապետությունում, Նորագավթի եռանավ Ս. Ասրվածածին բազիլիկան Երեսնում եւ այլն): 20-րդ դ. վերջին Բեթղեհեմի Ս. Ասրվածածին եկեղեցին հիմնովին նորոգել են, վերացրել պատերի երեք քառանյակ հայերեն արձանագրությունները, 1501, 1679, 1711 թթ. խաչքարերը եւ դարձրել վրացական եկեղեցի:

Նրանից արեւելք, փոքր-ինչ հեռու, առանձին կանգնած է եռաշարուս, դարպասի վրա աղյուսից կառուցած զանգակատունը (17-րդ դ.)՝ ութասյուն քարաշեն սյունազարդ գմբեթով:

Ջգրաշեն Ս. Ասրվածածին եկեղեցին 1729 թ. հին Թիֆլիսի Արմյանակայա փողոցում (քանդվել է 1930-ական թվականներին): Այն բավական խոշոր գմբեթավոր բազիլիկա էր (արտաքին չափերը՝ 14,6 x 24,0 մ), երկու զույգ ութանիստ մույթերով: Խորանի երկու կողմերի ավանդաքները ուղղանկյուն են, եւ նրանցից հյուսիսայինը երկրորդ դուռ ունի բեմից: Խոշոր գմբեթը բարձրանում է արեւելյան որմնասյուների եւ Ավագ խորանի անկյունների վրա: Մուտքերը երեքն են՝ ընդերկայնական պատերում եւ արեւմտյան ճակատում: Աղոթասրահն առաջորդեն լուսավորվել է խոշոր պատուհաններից (նրանց լայնությունը դրսից 1,4 մ է): Կամարները եւ թաղերը շեշտված սլաքածե են: Միջին նավի թաղի վերեւում՝ երկթեք փանիքի փակ, եկեղեցու երկարությամբ ձգվում է թունելանման թաքստոցը:

Նորաշեն Ս. Ասրվածածին եկեղեցին կառուցվել է 1507 թ. եւ վերանորոգվել 1650, 1795 եւ 1808 թթ.⁴¹: Նամարյա քառակուսի հատակագծով աղոթասրահը (լայնության եւ երկարության հարաբերությունը 1:1,2) երկու զույգ հզոր զլանածե մույթերով (1,55 մ քրամագծով) բաժանվում է երեք թաղածածկ նավի: Այսպեղ եւս գմբեթը դրված է արեւելյան մույթերի եւ Ավագ խորանի անկյունների վրա: Ավանդաքներն ուղղանկյուն են, առանց աքսիդների: Արեւմտյան ճակատի վրա՝ երկթեք փանիքի գագաթին բարձրանում է թեթեւ, սյունազարդ զանգակատունը: Եկեղեցու ներսույթը 1793 թ. որմնանկարներով զարդարել է Նովնաթան Նովնաթանյանը⁴²:

Գմբեթավոր բազիլիկաներ են եղել նաեւ 1930-ական թթ. քանդված Նրեշտակապետաց (1781 թ.) եւ Խոջիվանքի Ս. Ասրվածածին (1655 թ.) եկեղեցիները:

Թբիլիսիի հայկական մի շարք եկեղեցիներ ունեն միանավ եւ եռանավ բազիլիկաների հորինվածք: Ս. Մինաս եկեղեցին (1790 թ.)⁴³ Նավաբարում ու Վիջնադարի հայկական ճարտարապետության բնորոշ եռանավ բազիլիկա է՝ երկու զույգ մույթերով, երկու կողմերում ուղղանկյուն ավանդաքներով, կիսաշրջանածե աքսիդով: Բազիլիկաներ են նաեւ Ճուղուրեթի Ս. Ասրվածածին (այժմ վերածված է վրացական եկեղեցու) եւ Չորաբաշի Ս. Գետրգ (1775 թ.)⁴⁴ եկեղեցիները: Վերջինս գտնվում է Կուր գետի ձախ, բարձր եւ զառիթափ ափի վերեւում, Նավաբարի բնակելի շենքերի շարքում:

Քարափի Ս. Գետրգ եկեղեցին (կոչվում է նաեւ «Խիխոյի ժամ») գտնվում է Քարափի-թաղում, Բեթղեհեմի եկեղեցուց արեւելք: Այն փոքրիկ է, կառուցված 1753 թ., աղյուսից⁴⁵:

41 Անդ, էջ 75:

42 Մ. Ղազարյան, Հայկական կերպարվեստը 17-18-րդ դդ.: Գեղանկարչություն, Երևան, 1974, էջ 206:

43 Լ. Մ. Մելիքսեթ - Բեկ, նշվ. աշխ., էջ 268:

44 Անդ:

45 Ս. Ջաղաթանց, նշվ. աշխ., էջ 72:

Դահլիճում երկայնական պատերին կից են երկու զույգ մույթեր, որոնք սպեղծում են խոր որմնախորշեր: Այսպիսի լուծումը 17-18-րդ դդ. հապուկ էր հարավային Սյունիքի նույնապիպ եկեղեցիներին: Ս. Գետրգ եկեղեցում խորշերը ծածկող կամարները խիստ սլաքաձեւ են, գեպնահար համաչափություններով: Վերջին փարիներին այն դարձրել են գործող վրացական եկեղեցի:

Պեպք է նշել, որ Թիֆլիսի 17-րդ դ. որոշ հայկական եկեղեցիներին (Ս. Նշան, Քարափի Ս. Գետրգ, Նարանցվանք, Բեթղեհեմի զանգակարան) բնորոշ է ուշ միջնադարի իրանական դեկորատիվ արվեստի որոշ փարերի կիրառումը ճակարների ձեւավորման մեջ (այս երեսույթը հանդիպում է նաեւ պարսկական Նայաստանի Գողթան, Երնջակ, Արեւիք գավառների, ինչպես նաեւ 17-18-րդ դդ. Արեւելյան Վրաստանի եկեղեցիներում):

Իսկ մի քանի հայկական եկեղեցիներն էլ՝ կառուցված Թիֆլիսում 18-րդ դ. կամ վերակառուցված 19-րդ դ., ունեն ռուսական կլասիցիզմին բնորոշ հարդարանքի փարեր (Նորաշեն, Շամքորեցոց, Ս. Մինաս): Սակայն ինչպես դրանք, նույնպես եւ իրանական արվեստի փարերը հայ ճարտարապետները կիրառել են սպեղծագործաբար՝ զուգակցելով ազգային արվեստի դեկորատիվ ու կառուցողական ձեւերի հետ եւ համաձայն իրենց սպեղծագործական խնդիրներին:

Ընդհանուր առմամբ, Թիֆլիսի հայկական եկեղեցիների ճարտարապետական-գեղարվեստական լուծումները մարմնավորում են Նայաստանի շինարարական արվեստի ավանդները: Ոճական որոշ նորամուծությունները (հիմնականում կապված որպես շինանյութ աղյուսի կիրառման հետ) չեն ազդել այդ եկեղեցիների հորինվածքային մրահղացումների ամբողջականության վրա. նրանց ճարտարապետությունը ինքնուրույն ձեւավորվել է որպես բնականոն զարգացման արդյունք: Դրան նպաստել են այնպիսի գործոններ, ինչպիսիք են Թիֆլիսում հայ բնակչության գերակշռությունը, Մայր Նայաստանի մոտիկությունը եւ նրա հետ հոգետր ու նյութական մշակույթի սերտ կապերի պահպանումը (Ասիայի, Եւրոպայի եւ Աֆրիկայի հայկական բազմաթիվ գաղթօջախներից սա ամենամոտը եր հայրենիքին):

Սակայն Թիֆլիսի հայկական եկեղեցիների կարեւոր նշանակությունը, բացի հայապահպանությունից եւ վրացական հողում ազգային արվեստի նվաճումների կիրառումից, նաեւ հայ ճարտարապետության համար հորինվածքային նորությունների սպեղծումն էր (եռագմբեթ բազիլիկա, Ավագ խորանի առջեւ փրանսեպի փեղադրում եւ այլն) եւ արտաքին հարդարանքում նոր զարդաձեւերի կիրառումը: Այս բոլորի շնորհիվ Թիֆլիսի հայկական եկեղեցիների ճարտարապետությունը հայ մշակույթի պարմության հետաքրքրական էջերից մեկն է: